

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

JASANGARRITASUN, NEKAZARITZA ETA NATURA INGURUNEAREN SAILA

Foru Gobernu Kontseiluaren 158/2024 Erabakia, martxoaren 19koa. Onestea Arabako Lurralde Historikoan ingurumen eta klima konpromisoak eta beste kudeaketa konpromiso batzuk hartzeagatiko laguntzen 2024rako deialdia. Laguntza horiek Kontseiluaren ekainaren 20ko 32/2023 Foru Dekretuak arautzen ditu

Foru Gobernu Kontseiluaren ekainaren 20ko 32/2023 Foru Dekretuaren bidez, onetsi ziren Arabako Lurralde Historikoan ingurumen eta klima konpromisoak eta beste kudeaketa konpromiso batzuk hartzeagatiko laguntzen oinarri arautzaileak eta laguntza horietarako 2023rako deialdia.

Oinarri arautzaileen 8. artikulua xedatzen du urtero onetsiko dela laguntzen deialdia, eta haren barruan honako hauek jasoko direla:

- Zein esku hartze eta lehentasun taldeetarako egiten den deialdia.
- Deialdia ebazteko kreditu erreserbak, bai eta, hala badagokio, esku hartze eta/edo lehentasun talde bakoitzerakoak ere.
- Eskaerak aurkezteko epea eta lekua.
- Laguntzaren gehieneko zenbatekoa ustiategi eta/edo esku hartze bakoitzeko, hala badagokio.

Arabako Foru Aldundiaren 2024ra luzatutako 2023rako gastuen aurrekontuan bada partida bat, 40101. G/414400/47900404 "Nekazaritzako ingurumen neurriak" izenekoa, saldo nahikoarekin. Hortaz, proposatzen da onestea laguntza horien 2024rako deialdia.

Nahitazeko txostenak aztertu dira, eta, horregatik, Jasangarritasun, Nekazaritza eta Natura Ingurunearen Saileko foru diputatuak proposaturik eta Foru Gobernu Kontseiluak gaur egindako bilkuran gaia aztertu ondoren, hau

ERABAKITZEN DUT

Lehenengoa. Onestea Arabako Lurralde Historikoan ingurumen eta klima konpromisoak eta beste kudeaketa konpromiso batzuk hartzeagatiko laguntzen 2024rako deialdia. Laguntza horiek Foru Gobernu Kontseiluaren ekainaren 20ko 32/2023 Foru Dekretuak arautzen ditu. Hona hemen xehetasunak:

- Deitutako esku hartzeak eta lehentasun taldeak:
 - Nekazaritza eta ingurumen konpromisoak nekazaritzako azaleretan:
 - Esnetarako behien arau teknikorako ekoizpen integratua (NPEPEn esku hartzeko kodea: 6501.1).
 - Biodibertsitaterako erlezaintza (NPEPEn esku hartzeko kodea: 6501.4).
 - Nekazaritza ekologikoko nekazaritza eta ingurumen kudeaketako konpromisoak (NPEPEn esku hartzeko kodea: 6503).
 - Baliabide genetikoak kontserbatzeko konpromisoak (NPEPEn esku hartzeko kodea: 6505.1): bertako animalia arrazak kontserbatzea.

2024ko deialdian, lehentasun talde guztietako eskaerak onartu ahal izango dira.

b) Kreditu erreserbak deialdia ebazteko, bai eta, hala badagokio, esku hartze eta/edo lehen-tasun talde bakoitzerako ere:

1.680.000,00 euro, Arabako Foru Aldundiaren 2024ra luzatutako 2023rako ekitaldirako "Nekazaritza eta ingurumen neurriak" gastu aurrekontuko 40101. G/414400/47900404 partidaren kontura.

2024ko deialdian ez da erreserbarik ezartzen lehen-tasun taldeen mailan, ezta esku hartzearen mailan ere.

Kreditu horiek zenbateko gehigarriekin handitu ahal izango dira, Arabako Lurralde Historikoko Dirulaguntzen urriaren 19ko 11/2016 Foru Arauak 21. artikuluan ezarritako mugen barruan, baita aurrekontu partidan edozein arrazoiengatik gerta litekeen kreditu gehikuntzaren bidez ere. Zenbateko gehigarri horiek neurri bakoitzean hasieran erreserbatutako kredituaren ehuneko ehunekoak izan daitezke gehienez ere.

Deialdi honetako laguntzetara bideratzen diren baliabide ekonomikoak Arabako Foru Aldundiaren Jasangarritasun, Nekazaritza eta Natura Ingurunearen Sailaren aurrekontu kredituetatik aterako dira, eta Landa Garapenerako Europako Nekazaritza Funtsarekin (LGENF) batera finantzatu ahal izango dira, ehuneko 80an.

c) Eskaerak aurkezteko epea eta lekua.

Deialdi honetan aurreikusitako laguntzak jasotzeko eskaerak abenduaren 27ko 1048/2022 Errege Dekretuaren IV. tituluan xedatutako eskaera bakarrean sartuko dira (1048/2022 Errege Dekretua, abenduaren 27koa, 2023tik aurrera Nekazaritza Politika Erkidearen Plan Estrategikoaren esparruan zuzeneko ordainketen esku-hartzeak aplikatzeari eta betekizun komunak ezartzeari buruzkoa eta kudeaketa eta kontrol sistema integratuaren eskabide bakarra arautzeari buruzkoa).

Nolanahi ere, aintzat hartuko dira eta baliozkoak izango dira 2024ko otsailaren 1etik aurreko paragrafoan aipatutako eskaera bakarra aurkezteko epea amaitu arte xede horrekin aurkeztutako laguntza eskaerak.

Eskaera bakarra aurkezteko epea luzatzen bada, zuzenean luzatuko da denbora bererako laguntza lerro hauetarako eskaerak aurkezteko eta aldatzeko epea.

Eskaera Arabako Foru Aldundiko Jasangarritasun, Nekazaritza eta Natura Ingurunearen Sailaren eskualdeko nekazaritza bulegoetan egingo da, edo <https://npb-pac-2023.nekanet.net> web atariaren bidez. Atari horretara ziurtagiri digitalaren bidez sartu beharko da, Administrazio Publikoaren Administrazio Prozedura Erkidearen Legearen 16.4 artikuluan ezarritakoari kalterik egin gabe (urriaren 1eko 39/2015 Legea).

d) Laguntzaren gehieneko zenbatekoa ustiategi eta/edo esku hartze bakoitzeko, hala badagokio:

Deialdi honetan, laguntzaren gehieneko zenbateko bat ezartzen da ustiategi eskatzaile bakoitzeko, kontuan hartuta kasuan kasuko ustiategi mota (titular indibiduala edo ustiategi elkartua) eta II. eranskineko esku hartze kopurua edo "tokiko animalia arrazak kontserbatzeko" eskatutako esku-hartzearen abere arrazen kopurua edo azaleraren arabera laguntza esku hartzeetan eskatutako laborantza taldeen kopurua:

Eskatzaile mota	ESKATUTAKO ESKU HARTZEEN, ARRAZEN EDO LABORANTZA TALDEEN KOPURUA		
	1	2	3 edo gehiago
Titulartasun indibidualako ustiapena	18.000,00 euro	20.000,00 euro	21.000,00 euro
Titulartasun elkartuko ustiategiak	25.000,00 euro	27.800,00 euro	29.200,00 euro

Ustiategi bat titulartasun elkartukoa dela jotzeko, beharrezkoa izango da partaidetza handiena duen bazkidearen partaidetza ehuneko ehuneko 60 edo txikiagoa izatea, ustiatetik bi bazkide badira; edo ehuneko 50 edo txikiagoa, hiru bazkide edo gehiago badira. Aurreko irizpidea betetzen ez den kasuetan, ustiatetia titulartasun indibidualekoa dela ulertuko da.

Bigarrena. Jasangarritasun, Nekazaritza eta Natura Ingurunearen Saileko titularrari ahalmena ematea laguntza lerro honetarako deialdia garatu eta aplikatzeko beharrezkoak diren xedapenak eman ditzan.

Hirugarrena. Erabaki honek ondorioak izango ditu ALHAOn argitaratu eta hurrengo egunetik aurrera.

Laugarrena. Erabaki honek amaiera ematen dio administrazio bideari, eta beraren aurka berraztertze errekurtsoa aurkez dakioko organo berari, hilabeteko epean, argitaratu eta hurrengo egunetik aurrera; bestela, administrazioarekiko auzi errekurtsoa jar daiteke Euskal Autonomia Erkidegoko Auzitegi Nagusiko administrazioarekiko auzien salan, bi hilabeteko epean, argitaratu eta hurrengo egunetik aurrera.

Vitoria-Gasteiz, 2024ko martxoaren 26a

Diputatu nagusia

RAMIRO GONZÁLEZ VICENTE

Jasangarritasun, Nekazaritza eta Natura Ingurunearen Saileko foru diputatua

AMAIA BARREDO MARTÍN

Nekazaritza zuzendaria

DAVID FERNÁNDEZ SARABIA